

感谢诗

1.
高盖山头日影微，黄昏独立宿禽稀。林间滴酒空垂泪，不见丁宁嘱早归。
。——陈去疾《西上辞母坟》
2.
灿灿萱草花，罗生北堂下。南风吹其心，摇摇为谁吐？慈母倚门情，游子行路苦。甘旨日以疏，音问日以阻。举头望云林，愧听慧鸟语。——王冕《墨萱图》
3.
慈母手中线，游子身上衣。临行密密缝，意恐迟迟归。谁言寸草心，报得三春晖。——孟郊《游子吟》
4.
旅馆寒灯独不眠，客心何事转凄然。故乡今夜思千里，愁鬓明朝又一年。
。——高适《除夜作》
5.
将母邗沟上，留家白邗阴。月明闻杜宇，南北总关心。——王安石《十五》
6.
叠送香罗浅色衣，着来春色入书帷。到家慈母惊相问，为说王孙脱赠时。
。——黄庭坚《谢五开府番罗袄》
7.
褰帷拜母河梁去，白发愁看泪眼枯。惨惨柴门风雪夜，此时有子不如无。
。——黄仲则《别老母》

8.
爱子心无尽，归家喜及辰。寒衣针线密，家信墨痕新。见面怜清瘦，呼儿问苦辛。低徊愧人子，不敢叹风尘。——蒋士铨《岁末到家》

9.
风裘雪帽别家林，紫燕黄鹂已夏深。三釜古人干禄意，一年慈母望归心。劳生逆旅何休息，病眼看山力不禁。想见夕阳三径里，乱蝉嘶罢柳阴阴。——黄庭坚《初望淮山》

本文链接：<https://duanjuziku.com/duanjuzi/tkx1xpith.html>